

## धर्म को डर नहीं

धर्म को डर नहीं दुनिया रे माँय ,  
धणियाँ बिना तो आज सूनी फिरे गाय ।  
कटवाने चाली आज काना थारी गाय ,  
सुणो – सुणो म्हारा सांवरा कुण करे सहाय ॥

समुद्र मंथन काम धेनु प्रगटाय ,  
तन में तैतीस कोटी देवता समाय ।  
गो से गोपाल नाम सांवरो कहाय ,  
सुणो – सुणो म्हारा सांवरा कुण करे सहाय ॥  
धर्म को डर नहीं दुनिया रे माँय.....

गोबर भी शुद्ध यज्ञ आंगणो लिपाय ,  
मूत्र भी पवित्र सर्व मंगला कहाय ।  
दर्शन करता ही पाप मिट जाए ,  
सुणो – सुणो म्हारा सांवरा कुण करे सहाय ॥  
धर्म को डर नहीं दुनिया रे माँय.....

दूध है पवित्र सारा देवता नहाय ,  
पंच गव्य रोगों ने तो जड़ सूं मिटाय ।  
अनमोल हीरो आज कचरा में जाय ,  
सुणो – सुणो म्हारा सांवरा कुण करे सहाय ॥  
धर्म को डर नहीं दुनिया रे माँय.....

भोली – भाली सूरत में ममता समाय ,  
शक्ति स्वरूप गौ माता कहलाए ॥  
सेवा बिना वैतरणी पार कैसे पाय ,  
सुणो – सुणो म्हारा सांवरा कुण करे सहाय ॥  
धर्म को डर नहीं दुनिया रे माँय.....

<https://bhajanganga.com/bhajan/lyrics/id/23037/title/dharam-ko-dar-nahi>

अपने Android मोबाइल पर [BhajanGanga](#) App डाउनलोड करें और भजनों का आनंद ले |